


正改

醫學正傳

七



醫學正傳卷之七目錄

○婦人科

上經候

論

同經凡

崩漏因氣所使方

帶下是溫熱為病

結痰帶下小胃丹

治帶黃荊子方

帶下必須斷厚味

一人頭風帶下方

東垣治帶主寒

調經升陽除濕湯

固真丸

丁香膠艾湯

脈法

丹溪方法九三十三條

崩漏有虛有熱

婦人病宜用當歸說

肥人帶下濕痰方

治白帶方

又治白帶方

羅先生治帶方

四物湯為婦人衆疾總司說

赤白葵花治帶說

涼血地黃湯

酒煮當歸丸

烏藥湯

助陽湯

火疔丹

黃芪當歸人參湯



當歸芍藥湯  
 升陽舉經湯  
 柴胡丁香湯  
 人參補氣湯  
 補經固真湯  
 四聖散  
 通經下取方  
 加減四物湯  
 香附一物丸  
 益母丸  
 祖傳通經秘方  
 又補傳血崩方  
 柴胡調經湯  
 當歸附子湯  
 延胡苦練湯  
 黃芪白朮湯  
 溫胃補血湯  
 溫經除濕湯  
 通經丸  
 元戎加味四物湯  
 艾附丸  
 苦練丸  
 又月經不通方  
 已試醫驗一條  
 附期嗣法  
 益胃升陽湯  
 調經補真湯  
 桂附湯  
 增味四物湯  
 立効湯  
 桃仁散  
 膠艾湯  
 地黄通經丸  
 丹溪活套  
 祖傳血崩方  
 胎前  
 婦人科  
 論

丹溪方法 凡四條  
 安胎丸  
 懷孕嗜物說  
 又胎漏方  
 心腹諸痛  
 心腹諸痛 凡四方  
 妊娠腰脚腫痛方  
 半夏茯苓湯  
 小膠艾湯  
 妊娠下血如月信來方  
 胎動衝心煩悶方  
 妊娠遺尿失禁方  
 治子煩犀角散  
 固胎飲  
 又丹溪方法 凡三條  
 胎動說  
 又胎漏方  
 又妊娠心腹疝痛方  
 川芎散  
 胎腫方  
 孕婦嘔吐醫按  
 又膠艾湯  
 安胎飲  
 胎漏方  
 胎痛方  
 妊娠腰痛如折方  
 惡阻方  
 參橘散  
 妊娠下血不止方  
 胎孕無故下血方  
 妊娠因舉重仆跌方  
 子煩方  
 治子煩當歸飲

產寶澤瀉散

金生白朮散

天仙藤散

治子淋散

忘憂散

消風散

緩息丹

丹發轉胞論

加味四物湯

羚羊角散

芩薊補中湯

妊娠泄瀉方

妊娠傷寒體痛方

張仲景方法

鯉魚湯

安榮散

冬葵子散

葛根湯

天門冬飲

八味丸

安胎散

芎根湯

歸涼節命散

當歸芍藥湯

芩蘇散

傷寒安胎方

木通散

紫蘇飲

地膚子湯

車前散

防已湯

百合散

丹溪麥木飲

如聖散

桑寄生散

白扁豆散

芩朮香連丸

升麻六物湯

又妊娠傷寒方

催生散

小產下血不止方

安榮湯

又治鳴胎方

臨月養胎方

難產多是氣血虛說

金匱當歸散

如神丹

來甦散

催生奪命如神丹

黑龍丹

藥石禁

難產說

妊娠咳嗽方

小產後心腹痛方

兒在腹中叫哭方

丹溪束胎丸

催生散

難產多見於安逸說

金液丸

如聖散

霹靂奪命丹

芩歸湯

胞衣不下方

飲食禁忌篇

多難產法

妊娠嗽紅痰方

丹溪達生散

紅茸馬齒墮胎說

催生鉛丹

香桂散

無憂散

奪命丹

枳殼散

臨產須知條十九

橫倒產法

橫倒產法

又治橫生方

兒身向未順說

下死胎牛膝丸

又治子死腹中方

胞衣不下方

又祖傳催生驗方

○婦人科 產後論

嚴氏清血散

產後乳汁不通方

產婦損破尿管

當歸黃芪湯

抵聖散

當歸散

又橫逆不順方

治盤腸產法

子死腹中不出方

生子下血過多方

丹溪活套

祖傳治胞衣不下

脈法

愈風湯

產後泄瀉痢方

黑神散

失笑散

當歸羊肉湯

黃芪湯

礙產說

子死腹中方

祖傳經驗祕方

三退散

丹溪方法 一十

新產不可用芍藥

乳母小水短少說

人參當歸散

三聖散

茯苓散

增損四物湯

四物一黃散

調經散

琥珀散

調中湯

羊肉湯

熟乾地黃丸

旋覆花湯

猪腎子飲

桃仁膏

漏芦湯

丹溪活套

產寶黑龍丹

正脾散

交感地黃煎丸

定痛散

滋腸五仁丸

拒勝湯

四神散

當歸黃芪飲

硫黃湯

鍾乳散

烏金散

栢子仁散

七珍散

麻仁丸

固經丸

八味理中丸

當歸養血丸

當歸散

乳汁不通方

母猪蹄湯

新編醫學正傳卷之七

花溪恒德老人虞搏天民編集

姪孫虞守愚惟明校正

金陵三山街書坊松亭吳江繡梓

婦人科 上 月經

論內經曰二陽之病發心脾有不得隱曲女子不月其傳為風  
 消為息奔者死不治難經曰心出血肝納血肺出氣腎納氣  
 蓋婦人百病皆自心生如五志之火一起則心火亦從而燔  
 若夫經閉不通之証先因心事不足由是心血虧耗故乏血  
 以歸肝而出納之用已竭經曰母能念子虛是以脾不磨而  
 食亦少所謂二陽之病發心脾者以也二陽者因食少故肺  
 金亦失所養而氣滯不行則無以滋腎陰况月經全藉腎水  
 施化腎水既乏則經血日以乾涸以致或先或后淋瀝無時

新編醫學正傳 卷之七

若不早治，漸而至於閉塞不通，甚則為癥瘕血膈，勞極之証，不易治也。又如崩漏不止之証，先因心火亢甚，於是血脉溢，以致肝實而不納血，出納之道遂廢。經曰：子能令母實，是以肝腎之相火挾心火之勢亦從而相弱，所以月水錯經妄行，無時而溢也。若不早治，漸而至於崩中，不息甚則化為白濁，白淫，血枯發熱，勞極之証，不可治矣。經曰：邪氣盛則實，正氣奪則虛，所謂心血不足者，正氣奪也；心火亢甚者，邪氣盛也。邪氣者，丹溪曰：天非此火不能生，物人非此火不能生，但貴乎適中。凡動必聽命乎心，若則無已上諸証，太抵經閉不行，與夫經漏不止，其初皆由心事不足，以致月經不調，早不調治，直至危篤，求醫雖妙，手莫能為矣。東垣經閉不行有三論：崩漏不止，亦有二論。學者宜參究其論，以治之，不可拘泥也。

脉法

○脉經曰：寸口脉微而濇，則衛氣不足，濇則榮氣無餘，衛不足，其息短，其形躁，血不足，其形逆，榮衛俱虛，言吾謬誤，跌陽脉微而濇，則胃氣虛，則短氣咽燥，而口苦，胃氣濇則失液，少陰脉微而遲，微則無精，遲則陰中寒，濇則血不來，以爲居經三月一來。

○脉微血氣俱虛，年少者，亡血也；乳子下利，爲不可者，以爲居經三月一來。

○脉微弱而澁，年少得，以爲無子；中年得，以爲絕產。

○寸口脉沉而遲，沉則爲水，遲則爲寒，寒水相搏，跌陽脉伏，水穀不化，脾氣衰則，發溇胃氣衰則，身體腫少陽脉，卑少陰脉，細男子則，小使不利，婦人則，經水不通，經爲血不利，則爲水名，曰水分。

○寸口脉沉而數數則為出沉則為入出則為陽實入則為陰  
 結跌陽脉微而弦微則無胃氣弦則不得息少陰脉沉而  
 滑沉則為在裏滑則為實沉滑相搏血結胞門其藏不瀉  
 經絡不通名曰血分○經水前斷後病水名曰血分以病  
 難治先病水後經斷名曰水分以病易治  
 ○婦人帶下六極之病脉浮則為腸鳴腹滿緊則為腹中痛數  
 則為陰中痒痛則生瘡弦則陰戶掣痛  
 ○婦人帶下脉浮惡寒漏下者不治  
 ○婦人寸口脉浮而弱浮則為虛弱則為血浮則短氣弱則有  
 熱而自汗出  
 ○跌陽脉浮而瀋浮則氣滿瀋則有寒喜噫吞酸其氣時下小  
 腹則寒  
 ○少陰脉滑而數者陰中生瘡

○少陰脉數則氣淋陰中生瘡  
 ○少陰脉弦者白腸必挺核  
 ○少陰脉浮而動浮則為虛動則為痛婦人則脫下  
 ○婦人漏血下赤白日下血數升脉急疾者死遲者生  
 ○婦人漏下赤白不止脉小虛滑者生大緊實數者死  
 ○婦人疝瘕積聚脉弦急者生虛弱小者死  
 ○少陰脉浮而緊緊則疝瘕腹中痛半產而墮傷浮則亡血惡  
 寒絕產  
 ○肥人脉細胞中有寒故令少子其色黃者胸上有寒  
 ○婦人月經一月再來者經來其脉欲自如常而反微不利不  
 汗出者其經二月必來  
 方法丹溪方法凡  
 丹溪曰經候有枯閉不通者有不及期與過期者有妄行者

有色紫黑及淡者有成塊者有作疼者夫經不通或因墮胎及多產傷血或因久患潮熱銷血或因久發盜汗耗血或因脾胃不和飲食少進而不生血或因痢疾失血治宜生血補血除熱調胃之劑隨証用之或因七情傷心氣停結故血閉而不行宜調心氣通心經使血生而經自行矣

○虛中有熱月事不來以四物湯加黃芩治之

○常過期者血少也以芎歸參朮兼痰藥治之

○過期紫黑有塊作痛血熱也以四物湯加香附黃連

○過期色淡挾痰者以二陳湯加芎歸

○常不及期者血熱也以四物湯加黃芩黃連香附肥人多兼痰藥治之

○血枯經閉者以四物湯加紅花桃仁

○痰多佔住血海地位因而下多者目必漸昏肥人多有之以南星蒼朮川芎香附作丸服之

○肥人軀脂滿經閉者以導痰湯如芎歸黃連不可服地黃泥痰故也如用必以姜汁炒肥人少子亦由痰多脂膜閉塞子宮不能受精而施化也宜服上藥

○瘦人子宮無血精氣不聚亦令無子以四物湯養血養陰等藥

○經水未行臨經將來作疼者血實也一曰瘀血鬱滯也以

痰故一本作膈

四物湯加菝仁香附黃連紅花或加玄胡索莪朮木香有  
熱加柴胡黃芩

○經水行後而作疼者血俱虛也以  
八物湯加減煎服

○夫血為氣之配因氣而行成塊者氣之凝將行而痛者氣之  
滯行後作痛者氣血虛也色淡者亦虛也而有水以混之  
也錯經妄行者氣之亂也紫者氣之熱黑則熱之甚也今  
人悉指為風冷而行溫熱之劑禍不旋踵

○調經散治經水或前或後或多或少或踰月不至或一月兩  
來皆可服

- 川歸酒洗 一錢
- 麥門冬去心 二錢
- 吳茱萸擇去閉目者姜湯泡七
- 人參去芦 半錢
- 半夏湯炮七 錢
- 白芍藥 一錢
- 川芎 一錢
- 牡丹皮去心 一錢
- 肉桂 五分
- 阿膠珠
- 甘草 各七分半

右細切作二服水二盞加生姜三片煎至一盞空心稍熱  
服

○月經過期不行宜服

- 當歸半 一錢
- 川芎 五分
- 熟地黄 一錢
- 白芍藥 一錢
- 菝仁二十箇 三分
- 紅花 三分
- 香附米 一錢
- 熟桂 五分
- 蓬莪朮 一錢
- 甘草 五分
- 蘇木 一錢
- 木通 八分

右細切作一服水一盞半煎至一盞空心溫服

○月經先期而來宜服

- 歸身 一錢半
- 川芎 半錢
- 白芍藥 八分
- 生地黃 一錢
- 阿膠珠 半錢
- 艾葉 半錢
- 條芩 一錢
- 甘草 半錢
- 香附 一錢
- 黃柏 半錢
- 知母 半錢
- 黃連姜汁焙炒 八分

○經不通用馬鞭草杵汁款膏為丸或燒存性為丸紅花當歸

煎湯送下

○固經丸治經水過多不止

黃芩

龜板

白芍藥略一

枳椇根白皮七本

黃柏錢炒三

香附童便浸一宿焙乾二錢半

右為細末酒糊為丸如梧桐子大每服七十九白湯下

○崩漏有虛有熱虛則下溜熱則流通急則治其標用白芷湯

調下百草霜服或棕櫚灰或狗頭骨燒存性或伍靈脂米

生半炒俱以酒調服後以四物湯加乾姜調補之緩則治

其本四物湯加芩蓮參芪香附乾薑之類

○四物湯加荆芥穗條芩止血神效

○崩漏多因氣所使而下香附末一錢炒黑歸身一錢白芍藥

一錢酒炒熟地黃一錢川芎黃芪蒲黃地榆人參各半錢

白木一錢升麻二分煎服甚者加棕枳灰為末酒調服

○婦人血病宜用當歸若肥白人與入參黃芪同用瘦黑人宜

與生地黃香附同用

○帶下是濕熱為病白屬氣赤屬血以二陳湯加蒼朮治濕為

主氣虛入參朮血虛入芩歸

○帶下是胃中痰積流下滲入膀胱當并之無人知以二陳

湯加蒼朮升麻柴胡甚者上用吐法以提其氣下用二

陳加二朮仍用瓦礫子以燥其濕痰

○肥人帶下多是濕痰用海石半夏南星黃柏蒼朮川芎香附

枳椇皮冬加乾薑瘦人少者以病有者是熱以滑石枳椇皮川

芎海石青黛丸服

○結痰帶下以小胃丹津液嚥下數丸候積下後以補藥調治

一方治白帶

枳椇皮

山茱萸

苦參

香附各伍錢

龜板 酥炙 枳子 各二兩 黃栢 一兩 乾姜  
貝母 各二錢半 白芍藥 七錢半  
右為細末酒糊為丸服

○又方

白芷 四兩以石灰半斤淹三宿漉去灰以白  
芷炒焦為末清米飲調空心服之

○又方以黃荊子一味炒焦為末米飲調服上可治心痛下可

治白帶以其能燥濕痰也

○羅先生治帶用十棗湯神祐丸玉燭散以法實者可用虛者  
不可峻攻

○帶下必須斷厚味凡用藥寒月少加姜附臨機應變用之

○一人上有頭風鼻涕下有白帶用南星蒼朮黃芩辛夷川芎

黃栢炒焦滑石半夏牡礪粉丸服

肥土皆○四物湯乃婦人眾疾之總司也

當歸

川芎

白芍藥

熟地黃

右細切等分水煎服

○東垣治崩漏帶下多主於寒學者宜再思之不可一途而論  
經曰陰虛陽搏謂之崩觀以可知

○東垣曰蔡花白者治白帶赤者治赤帶用之果驗

○東垣調經升陽除濕湯治女子漏下惡血月事不調或暴崩  
不止多下水漿之物皆因飲酒不節勞倦所傷或素有心

氣不足致令心火乘脾必怠惰嗜臥困倦乏力氣短氣急  
脾主滋榮周身者也脾胃虛而心胞乘之故漏下月水不

調也况脾胃為血氣陰陽之根蒂也當除濕去熱抑風氣  
上伸以勝其濕又云火鬱則發之

當歸 酒洗

獨活 各五

蔓荊子 七分

防風

炙甘草

升麻

藁本 各一錢

柴胡

羌活

蒼朮

黃芪 各一錢半

二盞

右細切作一服水二盞煎至一盞去粗空心溫服少時以  
早飯壓之可一服而已○如灸足太陰脾經中血海穴三  
七壯跡已○此藥乃從權之法因風勝濕為胃氣下陷而  
氣迫於下以救其血之暴崩也往後必須服黃芪入參炙  
甘草當歸之類數服以補之於補氣升陽湯中加和血藥  
便是也若遇夏月白帶下脫漏不止宜用此湯一服立止  
○涼血地黃湯治婦人血崩是腎水陰虛不能鎮守胞絡相火  
故血走而崩也

黃芩

荊芥穗

蔓荊子 各半

黃柏

知母

藁朮

細辛

川芎 各一

黃連

羌活

柴胡

升麻

防風 各三分 生地黃

當歸 各五分

甘草 一系

紅花 少許

右細切作一服水三大盞煎至一盞去粗空心稍熱服  
陳酒煮當歸丸治癩疔白帶下疔脚氣腰以下如在冰雪中居  
火炕以厚衣重蓋猶寒肌肉消瘦小便與白帶長流而不  
禁固面白目青目眩無所見身重如山行步欹側腿膝  
枯細大便閉澁心下痞悶懊懣食不下面垢皆寒以上中  
下三陽俱虛脈沉緊而澁按之空虛洪而無力尤為中寒  
之証乃氣血俱虛之極也

茴香 五錢

黑附子 炒

良薑 各七

當歸 一兩

右四味細切以好酒一升半煮至酒盡焙乾

炙甘草

苦練 生用

丁香 各半

木香

升麻 各一

柴胡 二錢

炒黃鹽

全蝎 各三

玄胡索 四錢

右與前四味同研為細末酒煮麵糊為丸如梧桐子大每服五七十九空心淡醋湯送下忌油膩冷物及酒濕麪等

○固真丸治白帶久下不止臍腹冷痛陰中亦痛目中溜火視物昏花齒惡熱飲但喜乾食此皆寒濕乘於胞內肝經陰火上溢故目中溜火其惡熱飲者陽明經中伏火也法當大瀉寒濕以此丸治之

黃栢酒洗 白芍藥各五分 柴胡 白石脂各一錢火研為末

白龍骨酒煮水飛 日乾為末 當歸酒洗各一錢 乾姜四錢炮

右除龍骨石脂水飛日乾另研外餘共為細末麵糊為丸如雞頭仁大日乾空心白湯下少時以早飯壓之是不令熱藥犯胃也忌生冷硬物酒濕麪

垣東 ○烏藥湯治婦人血海疼痛

當歸一錢 甘草 木香各五 烏藥一錢半

香附子二錢

右細切作一服水二盞煎至一盞食前溫服

垣東 ○助陽湯治白帶下陰戶中痛空心面急痛身黃皮緩身重如山陰寒如水

生黃芩

橘紅各五

防風

高良姜

乾姜

郁李仁

甘草各一錢

柴胡一錢三分

白葵花三分

右細切分作二服每服水二盞煎至一盞去粗食前稍熟服

垣東 丁香膠艾湯治崩漏不止蓋心氣不足勞役及飲食不節所得其脉兩尺俱弦緊洪按之無力自覺臍下如冰冷白帶及白滑之物多間有如屋漏水下時或有鮮血右尺脉時或浮洪

熟地黄 白芍藥 各三分  
川芎 丁香 各四分

阿膠珠 六分 生艾葉 一錢 當歸 二錢

右以川芎地黃丁香另為細末其當歸芍藥艾葉各細切連煎共六味入水五大盞煎至三盞半去粗入阿膠再上火煎至一大盞稍熱空心服

○水府丹治婦人久虛積冷經候不行癥瘕痞塊腹中暴痛面

有黑黯黎黑羸瘦 硃砂 紙隔沸湯 紅豆 五錢 各桂心 另為末

木香 乾姜 各一兩 砂仁 二兩 花蕊石 兩半 煨研一

班貓 一百箇 去頭尾 生地黃汁 童子尿 各一 臘月狗膽 七枚

元蜻 米同炒黃色去米

右九味為細末同三汁熬為膏和丸如鷄頭實大硃砂為衣每服一九食前細嚼溫酒送下米飲亦可

東垣

○黃芪當歸人參湯治婦人經水暴崩不止先因損身失血自後一次縮一十日而來其後暴崩不止蓋因其人心窄性急多驚而心氣不足及飲食不節得之診得掌中寒脉沉細而緩帶數九竅不利四肢無力上喘氣促口鼻氣不調脾胃虛弱胃脘當心而痛左脇縮急當臍有動氣腹鳴下氣大便難宜先治其本餘証可丟安心定志和脾胃益元氣補血養神以大熱劑去其寒少加生地黄去命門相火不令四肢痿弱

黃連 二分 生地黄 三分 炒神麩 橘紅

桂枝 各五分 草薢 各六分 黃芪 人參

麻黃 各一錢 當歸身 半錢 杏仁 五枚 另研如泥

右細切作一服水二盞半先煎麻黃令沸掠去沫煎至二盞下諸藥同煎至一盞食前服立止又以草薢九五十

東垣 卷之二

東垣 ○九以止胃脘客寒之痛再與肝積之藥除其病根

○當歸芍藥湯治婦人經水漏下不止其色鮮紅時值炎月先因勞役脾胃虛弱氣短氣逆自汗不止身熱悶亂不思飲食四肢困倦大便時泄後復因心氣不足經水暴下不正微覺氣下行氣逆氣短懶於語言以藥主之

柴胡 二分 炙甘草 生地黄 各三分 黃芪 一不

陳皮 去白 熟地黄 各五分 蒼朮 米泔浸 白朮

川歸 白芍藥 各半

右細切作一服水二盞煎至一盞空心溫服

東垣 ○柴胡調經湯治經水不正其色鮮紅項筋急腦痛脊骨強

痛不安

炙甘草 當歸身 葛根 各三分 獨活

柴胡 七分 羌活

蒼朮 各一錢 紅花 少許

右細切作一服水二盞煎至一盞空心溫服取微汗立止

東垣 ○益胃升陽湯治婦人經候凝結黑血成塊左箱有血痕水泄不止食有時不化後血塊暴下并水泄俱作是前後二陰有形血脫竭於下既久經候猶不調水泄日三四行食罷煩心飲食減少人形瘦弱血脫益氣古聖人之法也先

補胃氣以助生發之氣故曰陽生陰長諸其藥為之先務蓋其能生血陽生陰長之理也人身以穀氣為室故先理胃氣為要

柴胡 升麻 各五分 炙甘草 當歸身 酒洗

陳皮 各一錢 人參 有嗽 炒神麩 各錢二分 黃芪 一錢半

白朮 二錢 生黃芩 二分

右細切作一服水二大盞煎至一盞去粗熱服○如腹中

痛加白芍藥三分中桂少許○如渴或口乾加葛根三分不拘時服

東垣○升陽舉經湯治經水不止右尺脉按之空虛是氣血俱脫大寒之証輕者其脉數疾舉指弦緊或澁皆陽脫之証陰火亦亡見熱証於口鼻眼或渴此皆陰燥陽欲先去也當溫之舉之升之浮之燥之此法乃大升浮血氣補命門之下脫

肉桂夏月不用 白芍藥各二分 紅花半分 細辛三分  
人參 熟地黄 川芎各半分 獨活根  
黑附子炮 炙甘草各七分 羌活 藁本  
防風各一錢 白朮 當歸 黃芪  
柴胡各一錢 桃仁泥少許  
右細切分作二服每服用水二盞煎至一盞空心熱服

東垣○當歸附子湯治臍下冷痛赤白帶下

當歸四分 炒鹽三分 蠟稍 升麻各五分  
甘草各六分 柴胡七分 黃柏少許 附子炮一不  
乾姜炮 良姜各八分  
右細切作丁服水三盞煎至一盞去粗稍熱服或為細末酒麪糊為丸亦可

東垣○調經補真湯冬後下月微有地泥水泮其白帶下陰戶中寒一服立止

獨活 乾姜炮 藁本 防風  
蒼朮各二分 麻黃不去節 炙甘草 人參去芦  
當歸身 白朮 生黃芩 升麻各五分  
黃芪七分 良姜 澤瀉 羌活各一錢  
柴胡四分 杏仁二枚 桂枝少許 白葵花七朵  
去萼

右細切作一服除黃芩麻黃另外先以水三大盞煎麻黃一味令沸掠去沫入餘藥同煎至二盞再入生黃芩煎至一盞空心服之候下時許可食早飯

東○柴胡丁香湯治婦人年三十歲左右臨經先腰臍痛甚則腹中亦痛經縮三二日

生地黄五分 丁香四分 當歸身 防風 羌活各一錢 柴胡二分 全蝎一枚

東○延胡苦練湯治臍下冷撮痛陰冷大寒白帶下

延胡索 苦練子 各二分 附子 炮

東○桂附湯治白帶腥臭多悲不樂太寒証

肉桂 各三分 炙甘草 五分 熟地黄 一錢

右細切作一服水二盞煎至一盞食前溫服

黃栢為引用 知母 各五分 肉桂 五分 附子 炮 三分

東○人參補氣湯治四肢懶倦自汗無力

丁香末 二分 生甘草 炙甘草 各三分 生地黄 白芍藥 各五分 黃栢 七分 熟地黄 六分 人參 去芦

東○黃芪白朮湯治婦人四肢沉重自汗上至頭頸惡風頭痛

升麻 各七分 柴胡 一錢 黃芪 一錢半 全蝎 一箇 五味子 箇 二十

右細切作一服水二大盞煎至一盞空心稍熱服

防風 去芦 羌活 知母 當歸身 熟地黄 六分 人參 去芦 炙甘草 各三分 生地黄 白芍藥 各五分 黃栢 七分 熟地黄 六分 人參 去芦 升麻 各七分 柴胡 一錢 黃芪 一錢半 全蝎 一箇 五味子 箇 二十

東○黃芪白朮湯治婦人四肢沉重自汗上至頭頸惡風頭痛

黃芪 一錢半 全蝎 一箇 五味子 箇 二十

燥執上

細辛 二分

吳茱萸

川芎 各三分

柴胡

升麻

各四分 當歸 六分

黃柏 酒炒

炙甘草

羌活 各八分

五味子 一錢

白朮

人參 各一錢半

黃芪 二錢半

右細切作一服水二大盞生薑五片煎至一盞去粗食前稍熱服

垣東

○增味四物湯治婦人血積血瘕

當歸

川芎

白芍藥

熟地黄

京三稜

乾漆 炒烟尽 肉桂 去麋

廣茂 各等分

右細切每服五錢水二大盞煎至一盞去粗空心溫服

垣東

○補經固真湯治婦人白帶下流不止其心胞尺脉微細蓋始病血崩久則血少復亡其陽故白滑之物下流不止所

謂崩中日久為白帶也乃本經血海枯竭津液復亡不能滋養筋骨以本部行經藥為引用以大辛甘油膩之藥潤其枯而滋津液以大辛執之藥補其陽道生其血脉以苦寒之藥泄其肺而救上熱傷氣以人參補之以微苦溫之藥為佐而益元氣

白葵花 研爛 四分

陳皮 五分 去白

生黃芩 細研

郁李仁 去皮炙 研如泥

炙甘草

柴胡 各一錢

乾姜 細末

人參 二錢

右細切除黃芩外以水二盞煎至一盞半入黃芩同煎至一盞去粗空心熱服少時以早飯壓之

○溫胃補血湯治婦人耳鳴鼻不聞香臭口不知穀味胃氣不袂四肢困倦行步欹側髮脫落食不下膝冷陰汗帶下喉中吟吟不得俯口燥咽乾太息頭不可以回顧項筋緊急脊骨強痛頭旋眼黑頭痛噴嚏

垣東

生地黄 白朮 藿香 黃栢 各二分  
 牡丹皮 蒼朮 王瓜根 陳皮  
 吳茱萸 各三分 當歸身 四分 柴胡 入參  
 炙甘草 地骨皮 各五分 升麻 生甘草 各六分  
 黃芪 一錢 丁香 一箇 桃仁 三箇 白葵花  
 右細切作一服水二大盞煎至三盞食前熱服  
 ○立効散治婦人血崩不止  
 當歸 蓮花心 白綿子 紅花  
 茅花 各一兩  
 右剉如豆大白帛包裹泥固火煨存性為細末每服三錢  
 ○如乾血氣研血竭為引溫酒調服或加輕粉五分如血崩甚不止加射香為引溫酒調服  
 ○四聖散治婦人赤白帶下

川烏 煨 生白礬 各一錢 紅娘子 三箇 班猫 十箇  
 右為細末煉蜜為丸如皂子大綿裹塞陰戶中  
 ○溫經除濕湯治婦人值冬月四肢無力乃痿厥濕熱在下焦也  
 也誦心者是濁氣不下降欲為中滿也合眼麻木作者陽道不行也惡風寒者上焦之分皮膚中氣不行也開目不麻者陽道少行而陰寒之氣暫退也頭眩目眩者風氣下陷於血分不得伸越而作也近火則有之  
 黃連 二分 柴胡 草豆蔻 神麩 炒  
 木香 各三分 麻黃 根節 當歸身 獨活  
 黃栢 升麻 羌活 各五分 炙甘草  
 人參 白朮 猪苓 澤瀉 各七分  
 黃芪 陳皮 蒼朮 各一錢 白芍藥 一錢半  
 右細切作一服水二大盞煎至一盞食遠服治肢節痠痛

舉作身

無方之勝藥也

室產

○朮仁散治婦人月水不調或淋瀝不斷止後復來狀如瀉水虛弱不進飲食腹中堅痛不可行動月水或前或後或經月不來身體沉重惟欲眠卧多思酸物

朮仁去皮尖 甘草炙

半夏各三分

赤芍

生地黄錢各一

澤蘭葉

當歸

桂心

牡丹皮

蒲黃

川芎各七分

右細切作一服加生姜三片水二盞煎至一盞空心温服

室產

○通經下取方曾經試驗神効

海蛤粉五錢

苦苧藤

牙皂錢各二

天花粉

苦丁香

紅娘子錢各一

右為細末每用一錢葱涎同搗為丸薄綿裹以五寸竹管

室產

○通經丸治婦人室女月經不通或成血瘕疼痛

納陰戶中候熱時先通黃水次則經行

桂心

青皮

川椒

莢木

乾姜

大黃酒濕

川椒

當歸

朮仁去皮尖炒研如泥各等分

右為細末將四分之一以米醋熬成膏和餘藥末成劑白

中杵勻丸如梧桐子大每服二十九空心淡醋湯下漸加

至三四十九温酒亦可下性畏漆者入雞子清和藥內

方良

○膠艾湯治勞傷氣血衝任虛損月水過多淋瀝不止

阿膠炒成珠

甘草炙各五分

當歸

艾葉各七分

熟地黄

白芍錢各一

右細切作一服水一盞半煎至一盞温服○一方加地榆

黃芪見胎前門

醫方正傳

卷之二

七

良方 ○ 加減四物湯治經候微少漸至不通手足煩疼形瘦潮熱脉息微數

本方去地黄川芎加澤蘭葉二倍其草半分如經候過多本方去熟地黄加生地黄如經行身熱脉數頭昏本方加柴胡黃芩如經行微少或脹或痛四肢疼痛本方加延胡索沒藥白芷共為末以淡醋湯調下如經候不調心腹疼痛只用考歸二味煎服名君臣散以歸倍於芎也

○ 元戎加味四物湯因氣衝經脉故月事頻併臍下多痛本方加白芍藥 ○ 如經欲行臍腹痛本方加玄胡苦練楨即木香 ○ 如經水過多本方加黃芩白朮 ○ 如經水溢少本方加葵花紅花 ○ 如經水適來適斷或往來寒熱宜先服小柴胡湯以去寒熱然後以四物湯和之或以二方併服名柴胡四物湯

產室 ○ 香附一物丸治經候不調血氣刺痛腹脇彭脹頭眩惡心

崩漏帶下並宜治之

香附子 并去皮毛不拘多少米醋浸一日夜用瓦銚煮令熟焙乾

右為細末醋糊為丸如梧桐子大日乾每服五十九丸淡醋湯下

產室 ○ 艾附丸治証如前

香附子 醋煮 艾葉 四兩 當歸 二兩

右為細末醋糊為丸服

產室 ○ 地黄通經丸治婦人經候不行結成血瘕在臍下如覆杯

熟地黄 三兩 蜚虫 去頭 水蛭 糯米同炒去沫 桃仁 各五

右為細末煉蜜為丸如梧桐子大每服五十九丸空心温酒下未知加至七八十九

良方 ○ 益母丸治婦人赤白帶惡露時下不止及治婦人胎前產

後及經中諸般奇病無所不療

益母草

一名荒蔚子紫花方壺俗名野天麻五月採陰乾  
丸用熱酒加童便化下煎氣者才香湯化下或只以  
未子每服二錢或酒或童便調下此婦人之聖藥也

○苦練丸治赤白帶下最妙

苦練碎酒

茴香炒

當歸各等分

右為細末酒糊為丸如梧桐子大每服五十九空心温酒送下

丹溪活套曰

凡婦人經候不調皆當以四物湯為主治○如經候過而腹中作痛綿綿無休息者屬血虛本方倍當歸熟地黃兼氣虛者本方加入參黃芪挾寒者加乾姜○如經候將來腹中陣陣痛乍作乍止者血氣實也本方用生地黃加黃連香附朮仁紅花玄胡索牡丹皮之類○如經水常不及期而行者血

熱也本方用生地黃加黃連黃芩白芷之類○如經水常過期而來者瘦人多應是血少本方倍當歸熟地黃加黃芪甘草少佐以紅花朮仁泥以為生血之引用也○肥人太緊是氣虛挾痰阻滯升降然地本方去地黃加參芪甘草茯苓半夏陳皮香附等藥○常過期而紫黑成塊者血熱也多作腹痛本方用生地黃加香附黃連玄胡索五靈脂乳香沒藥之類○過期而血淡色者痰多血少也本方用生地黃合二陳湯煎服○肥盛婦人或三二箇月一行者痰盛而軀脂閉塞經脈以導痰湯加芎歸香附蒼白朮之類○如經水適來適斷往來寒熱如瘧者本方合小柴胡煎服○如經行過三五日腹中綿綿起痛者以血行而滯氣未盡行也本方加木香煨榔煎服立愈

○祖傳經驗秘方治婦人室女月經不通漸成脹滿及治男子

墜馬跌撲損傷以致瘀血停積欲成血蠱病者悉皆治之各  
曰菝奴飲子

菝奴菝樹上嫩菝乾朽不假鼠糞兩頭尖者是

玄胡索 肉桂 香附米 五靈脂記炒

砂仁 菝仁去皮火研

右各等分為細末每服三錢空心溫酒調下

○一方治月經不通只以鼠糞一合畧炒研細溫酒調下立效

○又方治婦人血崩不止用蒼耳草燒存性好酒調服立止或

調入四物湯中亦効

○一老婦人年五十三血崩久不止諸藥不効予以椽斗蒼耳

草根二物燒存性用四物湯加白芷茅花乾姜煎湯調服其經血自此而止再不行矣

論

婦人科 中胎前

內經曰陰搏陽別謂之有子謂陰脈搏手其是為血氣和平陽施而陰化也蓋為入之夫婦猶天地然天地之道陰陽和而後萬物育夫婦之道陰陽和而後男女生是故欲求嗣者先須調其婦之經脈經脈既調則氣血和平氣血和平則百病不生而樂乎有子矣脈經曰診其手少陰之脈動甚者妊子也蓋手少陰心脈也心主血脉故也又腎為胞門子戶及中腎脈按之不絕當妊子也又曰婦人妊娘一月之時足厥陰脈養之二月足少陽脈養之三月手少陰脈養之四月手少陽脈養之五月足太陰脈養之六月足陽明脈養之七月手太陰脈養之八月手陽明脈養之九月足少陰脈養之十月足太陽脈養之是以諸經脈各養三十日也若夫至期當

養之經虛實不調則胎孕為乏不安甚則下血而墮矣夫手足十二經氣血盈虧不同如手足厥陰太陽少氣多血手足太陰少陰少血多氣手足少陽氣多血少手足陽明氣盛血多安胎之法宜各按月依經視其氣血虛實而調之固無胎墮之患其或感冒風寒別生異証又宜各按法而調治之機要曰治胎產之病當從厥陰經論之母犯胃氣及上一焦謂之三禁不可汗不可下不可利小便若發汗者如傷寒下早之証利大便者則脈數已動于脾利小便者則內亡津液胃中枯燥制方之法能不犯三禁則榮衛自和而寒熱止矣皆鑿者之繩墨也其為妊娠之婦早當絕去嗜慾安養胎元性宜靜而不宜躁体宜動而不宜分味宜涼而不宜熱衣宜溫而不宜寒母久立母久坐母久行母久臥又宜却去一切肥甘煎燂油膩辛辣鹹酸水菓魚鱉狐兔鴿雀之類即無胎漏

婦作不備

胎痛胎動下血子腫子癩等証及橫產逆生胎死腹中之患矣丹溪曰難產之婦皆是八九箇月內不能謹慾以致氣血虛故也傳曰古者婦人妊子寢不側坐不偏立不踣不食邪味割不正不食席不正不坐目不視邪色耳不聽淫聲口不出傲言夜則令警誦詩道正事則生子形容端正才過入矣古所謂胎教也妊娠之婦可不慎歟

△附期嗣論

夫人欲求嗣必先視其婦之經脈調否其或未調必以藥而調之經脈既調宜以人事副之按其法而行之庶不失其候也訣云三十時中兩日半二十八九君須弄落紅滿地是佳期金水過時空霍亂之時枉費工樹頭樹底覓殘紅但解開花能結子何愁丹桂不成叢以蓋婦人月經方絕金水終生以時子宮正開乃受精結胎之候妙合大和之時過此

佳期則子宮閉而不受胎矣然男女之分各有要妙存焉如月候方絕一日三日五日交會者成男二日四日六日交會者成女過與則不孕矣又曰陰血先至陽精後衝縱氣來乘血開裏精陰外陽內則成坎卦之象而為男若陽精先入陰血後參橫氣來助精開裏血陰內陽外則成離卦之象而為女若胎成三月之內男女未分之時亦有轉女為男之術其法以鉄斧一柄置於妊婦床席之下勿令入見知更佩雄黃一二兩於孕婦身左或佩萱花亦可已上三法皆驗不可輕忽傳曰不孝有三無後為天古詩云無官一身輕有子萬事足誠哉是言也無嗣者宜深思之無怠

脉法

脉經曰婦人三部脉浮沉正等按之無絕者妊娠也○妊娠初時寸微小呼吸五至至三月而尺數也○脉滑疾重以

孕作娠

手按之散者胎已三月也脉重手按之不散俱疾不滑者五月也○妊娠四月脉左疾為男右疾為女俱疾為生二子○又法得太陽脉為男得太陽脉為女○又法左手沉實為男右手浮大為女左右手俱沉實為男左右手俱浮大為女○又法天脉左偏大為男右偏大為女左右手俱大生二男○又法左右尺俱沉當作為產二女不爾則男作女生也此男女兼形之說也○婦人懷孕脉離經而浮設腹痛引腰脊為欲生也○又法婦人欲生其脉離經半夜覺日中即生也○懷妊至六七月脉實大牢強弦緊者生沉細者死○懷妊至六七月暴下斗餘水其胎必倚而墮以非時孤漿預下故也○寸口脉洪而瀼洪則為氣瀼則為血氣動丹田其形則溫瀼在

於下胎冷若冰陽氣胎活陰氣必終洪則為氣者生欲別  
陰陽其下必彊假令陽經蓄血若杯陰為死胎問婦人雙  
胎其一獨死其一獨生醫者為下其死者其病則愈然後竟  
免軀其脉何以別之師曰寸口脉衛氣平調榮氣緩舒陽  
施陰化精盛有餘陰陽俱盛故知雙軀今少陰微緊血則  
濁凝經養不周胎則偏大小腹冷滿膝臏疼痛腰重起難  
以為血理若不早去害母失胎○婦人經自斷而有軀其  
脉反弦恐其後必大下不成胎也大下謂大

方法丹溪方法  
凡四條

丹溪曰婦人無子者多由血少不能得精俗醫悉謂子宮虛  
冷投以辛熱之藥煎熬臟府血氣沸騰禍不旋踵或服艾者  
不知艾性至熱入火炙則下行入藥服則上行多服則致毒  
咎將誰挽執事

○瘦怯婦人子宮乾澁宜滋陰養血四物加香附黃芩之類肥  
盛者乃軀脂滿溢閉塞子宮宜行溫燥痰南星半夏川芎滑  
石防風羌活一本有蒼朮  
無防風羌活或導痰湯之類

○墮胎乃血氣虛損不能榮養胎元而自墮耳猶枝枯則果落  
榦萎則花墜也又因恚怒傷精內火便動亦能墮胎猶風撼  
其木入折其枝也火能鎖物造化自然病源乃謂風冷傷於  
子臟未得病情者也大抵屬虛屬熱二者又當視其輕重而  
治之

○一婦有胎即墮其脉左大無方重取則瀋乃血少也以其少  
年只補中氣使血自榮濃煎白朮湯調黃芩末一錢服之  
至三四兩得保全而生

○固胎飲

熟地黄

歸身尾

人參

白芍藥

白朮

川芎

陳皮

甘草

桑樹上羊兒藤七乘圓者

愚恐當作如檢桑葉圓者即俗名桑絡也真桑寄生尤妙

少加黃連黃柏入糯米五十七粒煎服血虛不安者加阿膠珠胎氣痛者加宿砂

○安胎飲孕成之後覺胎氣不安或腹微痛或腰間作疼或飲食不美宜服或至五六箇月常服數貼甚好

白朮

當歸

白芍藥

熟地黃各一錢

人參

川芎

條黃芩

陳皮各五分

甘草

砂仁

紫蘇各三分

右細切作一服水加生姜三片水煎服

○安胎丸

白朮

條芩

神麩炒各等分

右為細末粥丸每服五十九丸清米湯下蓋白朮條芩乃安

胎之聖藥也

○丹溪曰天行不息所以生生而無窮荒時子活血行氣有補陰之妙命名益母以其行中有補也故曰胎前無滯產後無虛○條芩白朮乃安胎之聖藥俗以黃芩為寒而不用反謂溫熱藥能養胎殊不知胎孕宜清熱養血使血循經而不妄行乃能養胎黃芩必取細搗沉實者用之○縮砂安胎以其止痛行氣故也砂仁非八九箇月內不宜多用

○懷妊嗜物乃一歲之虛如受酸物乃肝藏止能養胎而虛也

○胎動者因火逼動胎逆上作喘急用條芩香附之類

○胎漏謂有胎而血漏下也屬氣虛有熱用四物湯加阿膠珠

白朮條芩縮砂炒香附炒加糯米白水煎服

○又方治胎漏下血

條芩五錢

白朮一兩

砂仁炒

阿膠炒成珠各三錢

右為細末每服二錢煎艾湯調服水煎服亦可

○又方

枳殼炒

黃芩各半

白朮一兩

水煎食前溫服

○胎痛宜用當歸地黃湯

當歸一錢

熟地黃二錢

右細切水一盞半煎至一盞溫服

○心腹諸痛凡妊婦偶有所傷腹痛不安或從高墜下重物

所壓觸動胎元痛不可忍及下血者甚妙

砂仁不拘

和皮畧炒勿令十分焦黑去皮取仁為末熱

酒調服不飲酒者米飲或艾湯益湯皆可調服如覺胎中

熱其胎即安矣此方即驗大抵妊婦不可缺以常服安胎

易產

凡妊婦二三箇月忽心腹痛不安用

當歸三錢

阿膠錢二

甘草錢二

葱白四根

右細切分作二服每服用水一盞煎至一小盞溫服

凡妊婦四五箇月忽心腹痛

大棗十四枚

鹽一錢

右為末取一撮許酒調服之立愈

○治妊婦心腹大痛氣欲絕者

川芎

川歸

茯苓

厚朴各一兩

右細切作一服用水三升煎至二升分二服立飲而愈

○川芎散治婦素有冷氣冲心如刀刺者

川芎一錢

人參

吳茱萸各五分

茯苓

桔梗各四分

當歸一錢

製朴五分

芍藥七分

枳殼

炙甘草各三分

右細切作一服水一盞半煎至一盞稍熱服

空產 ○妊娠腰痛如折不能轉側  
鹿角 五錢

右以火燒令赤酒淬再燒再淬以碎為度細末酒調服  
空產 ○治妊娠腰脚腫痛 腫一本作腫

白茯苓 白朮 乾姜 甘草 各一錢

杏仁 三錢 去皮尖研  
右細切作一服水一盞半煎至一盞溫服  
○胎腫謂有胎或手足或頭面通身浮腫者是也屬濕多或用  
山梔子一合炒為末米湯調下九服亦可

○惡阻乃有孕而惡心阻其飲食者是也多從痰治用二陳湯  
之類 ○又方以白朮為丸服一日肥人是瘦人是熱

○半夏茯苓湯治惡阻不食吐逆頭眩四肢怠惰煩疼惡寒自汗

半夏 湯炮七次漬過宿 生姜 各一錢 茯苓 七分

熟地黄 陳皮 桔梗 覆花 無嗽不用  
人參 芍藥 甘草 川芎 各五分

右細切水煎空心服 ○千金方有紫蘇細辛各五分  
○一婦孕兩月嘔吐頭眩鑿以參朮川芎陳皮茯苓服之愈重  
脉弦左為甚以惡阻病必怒氣所激問之果然肝氣既逆

又夾胎氣參朮之補大非所宜以茯苓湯下抑青丸二十  
四粒五服稍安脉畧數口苦乾食即口酸意其隔間滯氣  
未盡行以川芎陳皮梔子生姜茯苓煎湯下抑青丸十五  
粒而愈但口酸易飢以肝熱未平以熱湯下抑青丸二十  
粒愈後兩手脉平和而右甚弱其胎必墮以時肝氣既平  
可用參朮以防之服十日而胎自墮矣

○參朮散治妊娠三月內惡阻吐逆不食或心虛煩悶

良方

丹溪醫按

橘紅

茯苓各一錢

麥門冬

白朮

厚朴姜製

甘草各五分

右細切作一服加生姜三片竹茹一錢或加入參一錢水一盞煎七分溫服

○小膠艾湯治妊婦因頓仆挫跌胎動不安或胎搶上逼心或腹痛血下

阿膠炒成珠

艾葉二兩

指迷方加秦艽一兩

右細末用水三升煎至一升半分三服

○膠艾湯不問月數淺深安胎極妙

熟地黄

艾葉

當歸

甘草炙

川芎

阿膠各五錢

黃芪二分半

右細切作一服水一盞半煎至一盞溫服

○治妊婦下血不止胎上冲心四肢厥冷悶仆欲死

阿膠炒

艾葉各一兩

竹茹如拳

白砂蜜二合

右用水二升煎至一升入蜜更煎一二沸分二服

○治妊婦下血如月信來者若致胞乾非特損子亦能損母

熟地黄

乾姜炮各一兩

右為細末每服三錢一日夜二四服

○治胎孕無故下血腹痛不可忍或下黃汁如漆如水如豆

汁者上

野苧根炒

金根各一兩

右用水酒各一盞煎至一盞去粗分作二服不拘時服

○胎動冲心煩悶欲死安胎止痛

當歸酒洗

川芎

人參

阿膠

甘草炙各一兩

葱白切一升

右用水七升煎至三升分三服

○產 姓娘因舉重仆跌損傷胎氣不安或子死腹中

川芎一兩

右為細末每服一匙連進三服死胎即下

○治 姓娘遺尿失禁

白薇

白芍藥 各等分

右為細末酒調方寸七日三服

○子 煩姓娘苦煩悶不安又曰心煩熱悶謂之子煩

麥門冬

茯苓

防風

知母 各一錢

右細切作一服用水二盞煎至一盞入竹瀝一二匙服

○犀 角散治子煩

犀角屑

地骨皮

條芩

麥門冬

赤茯苓 各一錢炒五分

右細切作一服水一盞半煎至一盞入竹瀝一合溫服

萬

○當 歸飲治子煩

當歸 半錢

川芎

阿膠珠

豆豉

桑寄生 各半 葱白 七莖

右細切作一服水一盞半煎至一盞溫服

○竹 瀝湯治子煩

竹瀝 一合

防風

黃芩

麥門冬 各一錢

白茯苓 半錢

右細切作一服水一盞半煎至一盞去粗入竹瀝再煎數

沸溫服

○產 寶澤瀉散治姓娘氣壅身躄腹脇浮腫喘急氣促小便閉

澤瀉 不利謂之子滿

木通

桑白皮

枳殼 麩炒

楝榔

赤茯苓 各等分

右細切每服四錢加生薑五片水一盞煎八分溫服

張仲景曰婦人本肌肉肥盛頭舉自滿今反羸瘦頭舉中隆胞系了戾亦多致此病但利小便即愈宜服腎氣丸蓋藥中有茯苓故也地黃為君功在補胞

○木通散治妊娠身躄浮腫四肢脹急小便不利謂之子腫

木通一錢 木香 桐子皮各三 香薷一錢

枳殼炒五 枳榔五分 桑白皮一錢 條芩五分

紫蘇莖葉一錢 右細切作一服加生薑三片水一盞半煎至一盞溫服

○全生白朮散治妊娠面自虛浮肢躄腫脹名曰子腫

白朮一兩 生姜皮 大腹皮 陳皮 茯苓各五 指迷方用伏苓皮多桑白皮無木 右為細末每服二錢米飲調下

室產

室產 ○鯉魚湯治妊娠腹脹滿或通身浮腫小便不利或胎死腹中此方甚驗

當歸 白芍各一 白茯苓半 白朮二錢

橘紅五分 鯉魚拘尾不大小 右細切作一服將鯉魚去鱗腸白水煮熟去魚用汁一盞

半生薑七片煎至一盞空心服當見胎水下如未盡或胎死腹中脹悶未除再合一劑服之水盡脹除為度

○紫蘇飲治胎氣不和湊上心腹脹滿疼痛謂之子懸

大腹皮 川芎 白芍 陳皮 紫蘇葉 當歸各六 人參 甘草各三

右細切作一服加生薑三片葱五莖水煎服

○天仙藤散治妊娠三月成胎之後兩足自脚面漸腫至膝行步艱難喘悶妨食若水腫甚至足指間有黃水出者謂之

子氣

天仙藤 洗淨畧炒即青木香藤也

甘草 烏藥

香附子 炒

木香 各等分

陳皮

右細切每服三錢加生姜三片紫蘇五葉水煎日三服腫消止藥

室產 ○安榮散治妊娠小便澀少遂成淋瀝謂之子淋

麥門冬 通草

燈心炒 甘草各五錢

滑石

人參

當歸

川芎 各一兩

右為細末每服二錢煎麥門冬湯調下○此方恐滑石太重而滑胎若胎臨月可用若六七箇月已前俱不可輕用宜去其味或加梔子篇蓄石榆之類最穩瞿麥亦恐損胎不可用也

驗錄 ○地膚子湯治子淋小便澀數

地膚草 與芥菜相似俗名白地考

黃芩

赤茯苓

車前子 各一錢

白芍

知母 去毛炒

枳殼 麩炒黃色各七分

升麻

通草

甘草 各三分

右細切作一服水一盞半煎至一盞溫服

○又方治子淋

地膚草 四兩 右以水四升煮取二升分三服或新取地膚草搗取自然汁服亦可不獨治子淋凡小便淋閉服之無不效驗

外 ○冬葵子散治子淋小腹疼痛胎動不安

冬葵子 炒

柴胡 去芦

桑白皮

赤茯苓

赤芍藥

當歸 各等分

右細切每服四錢水一盞半加姜三片葱白七寸煎至一盞去粗溫服

外 卷之七 卅三  
○車前散治子淋或小便不通下焦有熱

栝柳

木通

陳皮 去白

赤茯苓

車前子

赤芍

當歸

滑石

石葦 去毛

右各等分每服五錢水一盞半煎至一盞溫服

外 ○忘憂散治妊婦心經蘊熱小便赤澀不利淋瀝作痛

琥珀 不拘

萱草根 一握

右以琥珀研為細末每服五分濃煎服

方局 ○葛根湯治妊娠臨月忽發風痙悶亂不省人事吐逆眩倒

少時醒後復發謂之子癇

貝母

葛根

牡丹皮

防己

防風

當歸

川芎

桂心

茯苓

澤瀉各五錢 甘草各三分

獨活

石膏

人參 各一錢

右細切作一服水二盞煎至一盞溫服日三服其貝母令

久易產未臨月者以升麻代之忌菘菜

○防己湯治妊娠中風口禁四肢強直角弓反張

防己 五錢

羌活 一錢半

右為細末別用黑豆一合炒焦黑投好酒中沸定去豆調

藥末攤開口灌之稍醒再灌有效

○消風散治妊娠頭眩目眩視物不見顯煩腫核

石膏 煨

甘菊花 去萼

防風 去芦

荆芥穗

羌活

羚羊角

川芎

大豆黃卷 炒

當歸 酒浸洗

白芷 各五分

甘草 二分半

右為細末作一服加芽茶五分水一盞半煎至一盞食後

溫服

方局

方局

方局

○天門冬飲治妊娠外感風寒久嗽不已謂之子嗽

天門冬

紫苑茸

知母酒洗

桑白皮蜜炙各一錢

五味子

桔梗去芦各五分

右細切作一服水一盞半煎至二盞嗽血者加阿膠五分

大便澁者加苦亭歷子五分

○百合散治妊娠咳嗽心煩不欲飲食

百合

紫苑茸 麥門冬

桔梗去芦

桑白皮

竹茹各一錢 甘草五分

右細切作一服水一盞半煎至二盞入蜜半匙再煎二三沸去粗溫服

○八味丸治妊娠小便不通名曰轉胞亦治子淋此氣丸加桂心附子炮各兩是也

○丹溪參朮飲治妊娠轉胞

四物湯加 人參 白朮 半夏湯泡透 陳皮 甘草

右為細末加姜水煎服

○丹溪曰轉胞之証胎婦之稟受弱者憂悶多者性急燥者食

味厚者庸或有乏古方皆用滑利藥鮮有應効因思胞不

自轉為胎所壓轉在一邊胞系了戾不通耳胎若舉起居

於其中胞系自踈水道自利夫胎之墜下必有其由吳宅

寵人患此兩手脉似瀉重按似弦左稍和予曰以此得之憂

患瀉為血少氣多則胎氣弱而不能舉弦為有飲血少則

胎弱氣多有飲中焦不清而隘則胞知所避而就下乃以

已上藥與服隨以指探喉中吐出藥汁候少頃氣定又與

之次早亦然至八貼安猶恐此法偶中後又治數人亦效

○安胎散治妊娠胎寒腹痛胎熱多驚舉動腰痛腹滿胞急卒

有所下或因頓仆悶或食毒物或感冒時疾寒熱往來

致傷胎藏並皆治之

方良

方金

方局

寶產

川芎 枳殼各錢半 熟地黄 三錢 糯米 一合  
右細切作一服水一盞半生姜三片大棗一枚更加金銀  
三五錢同煎至一盞溫服

○如聖散治妊娘腹痛胎動不安  
鯉魚皮 當歸 熟地黄 阿膠炒成珠  
白芍藥 川芎 川續斷酒浸 甘草各等分

右細切每服四錢水一盞半生姜三片芎麻根半錢許煎  
至一盞溫服○一方加乾姜竹茹無續斷

○加味四物湯治妊娘下血不止  
本方加艾葉 三十片 阿膠珠 一錢

右細切每服四錢水一盞半加烏梅肉少許同煎至一盞  
熱服連進三四服即止

○芎根湯止血安胎

方良

野苧炒二兩 用酒水各一盞入金銀同煎至一盞溫服

方良 ○桑寄生散治妊娘下血不止胎動不安  
桑寄生 川芎 川續斷 川芎  
香附子 阿膠炒 茯神 白朮  
人參 甘草各半錢

右細切作一服加生姜三片水一盞半煎至一盞溫服

方良 ○羚羊角散治妊娘中風頭項強直筋脉掣急言語蹇澀痰  
涎壅盛或時發搐不省人事謂之子癇

羚羊角 獨活 酸棗仁炒 五加皮各八分  
薏苡仁 防風 當歸 川芎  
茯神 杏仁各四分 木香 甘草各二分

右細切作一服加生姜三片水煎服

寶產 ○歸涼節命散治妊娘面赤口苦舌乾心煩腹脹等症

川芎 芎根 白芍 麥門冬  
川歸 白木 糯米 荊芥穗  
甘草 各半錢

○白扁豆散治妊娠誤服草藥及諸般毒藥毒物  
右細切作一服水一盞半煎至一盞入蜜一匙服  
白扁豆 生去皮

右為細末清米飲調方寸匕神效

方良 ○芎藭補中湯養新血去瘀血補虛扶危  
阿膠珠 五味子 乾姜 各四分 黃芪 蜜炙  
川歸 酒浸 白木 川芎 赤芍 各七分  
人參 杜仲 炙 甘草 炙 各三分  
右細切作一服水一盞半煎至一盞溫服後有方名同  
多木香治小產

方良 ○當歸芍藥湯治妊娠下痢赤白腹中疴痛

白芍 一錢 當歸 白茯苓 澤瀉  
條芩 各半錢 甘草 黃連  
木香 檳榔 各三分

右細切作一服水一盞半煎至一盞溫服如白痢腹痛甚  
者恐有寒也去苓連加乾姜三分

寶產 ○芎木香連丸治証同前

阿膠珠 白木 各五錢 乳香 木香 各二錢半  
枳殼 麩炒 乾姜 炮 各二錢 黃連 一兩 茱萸 同炒 砂仁 炒  
川芎 各五錢

寶產 ○治妊娠泄瀉兩脇虛鳴臍下冷痛由食瓜果生冷等物及  
當風取涼所致者  
右為細末醋糊為丸如梧桐子大每服三十九丸白湯下

柯子皮 煨

白木 各一錢 陳皮

良姜 炒

木香

白芍 酒炒

甘草 炙各五分

肉苁蓉 煨五分

右細切加生姜五片水一盞半煎至一盞溫服

產室 ○ 芎藭散治妊婦外感風寒渾身壯熱頭目眩暈

紫蘇葉

川芎

白芍

白木

麥門冬

陳皮

乾葛 各六分 甘草 炒三分

右細切作一服加生姜五片葱白三寸水一盞半煎至一盞溫服不拘時候

方娘 ○ 升麻六物湯治妊婦六七箇月傷寒壯熱或發赤斑駁血

升麻 二錢

梔子

杏仁

大青草

小草

甘草 各一錢

右細切作一服加葱白三寸水一盞半煎至一盞溫服

活人 ○ 妊婦傷寒百節疼痛壯熱不急治即落胎

柴胡

乾葛

知母

石膏 各六錢

大青 八錢

梔子 一兩

升麻 八錢

葱白 十四莖

右細切用水七盞煎至三盞半分四服

活人 ○ 傷寒安胎

白朮

黃芩

各等分新瓦上炒

右細切每服三錢加生姜三片水煎服

活人 ○ 治妊婦傷寒

柴胡 一錢

前胡

當歸 各七分 人參 四分

芍藥

生地黄 各六分

甘草 三分

右細切作一服加生姜三片葱白三莖水一盞半煎至一盞去粗溫服

產室 ○ 催生散治妊婦傷寒執病胎死腹中身冷唇青不能自出

蒼朮 一錢

桔梗 五分

橘紅 三分

白芷

桂心 去皮

甘草 炙各一分

當歸 酒浸

乾姜 炮

厚朴

芍藥

半夏 泡

川芎

枳殼 炒各二分

杏仁 炒各一分

右細切作一服水一盞半加生姜三片大棗一枚煎至一盞

溫服未下再進一服

○產治難產欬嗽

紫苑茸

麥門冬 各一分

白皮

杏仁 炒去尖研

炙甘草 各二分

右細切加生姜三片竹茹一塊彈子大用水一盞半煎至

一盞去粗入白蜜一蛤殼許再煎數沸溫服

寶產 ○妊娠痰嗽見紅

歸身

熟地黄

天門冬

麥門冬

紫苑 各五分

桑白皮 蜜炙

杏仁

炙甘草

桔梗

片黃芩

五味子

阿膠 炒成珠

驗錄

○小產後下血不止

人參

黃芪

當歸

白朮

白芍

艾葉

甘草 炙

阿膠 炒

川芎

青皮

香附

砂仁

右各等分白朮煎服

驗錄

○小產後心腹疼痛

當歸

川芎

熟地黄

白芍 各一錢

玄胡索 七分

菴仁 炒 去皮尖

紅花 各三錢

香附子

青皮 炒黑

澤蘭

牡丹皮 各等

右細切水一盞半入立重便酒各半盞煎至一盞溫服

寶產 安胎湯治胎氣不固時常小產宜預服以固胎元

四物湯加阿膠珠香附子白朮條芩砂仁糯米桑寄生白朮煎服

○治兒在腹中叫哭

用多年空屋下鼠穴中土一塊念妊婦噙之即止

○又方用黃連三五錢濃煎汁時時呷下自止

云臍帶上疣瘡乃兒口中食者因妊婦登高取物脫出

兒口以髮作聲令妊婦曲腰向地拾物使兒復得令兒口中即止

○丹溪東胎九至七八箇月內服之

黃芩炒夏一兩秋七錢冬五錢白木二兩 茯苓七錢半 陳皮三兩

右為細末粥丸如梧桐子大每服三四十九白湯下

丹溪○達生散孕至八九箇月內服十數貼甚好易產腹少痛

大腹皮原本三錢恐大用一錢先洗淨方用恐鴆毒害人

人參 陳皮 紫蘇連莖葉各五分 白芍藥

白木 當歸各一錢 甘草炙二分

右細切作一服外入黃楊腦七箇食少胎瘦用葱五葉夏加

黃芩黃連五味子春加川芎防風秋加澤瀉冬加砂仁或

通加枳殼砂仁胎動不安加金銀三五錢野苧麻根一錢

氣上逼心加紫蘇地黃性急加柴胡多怒或加黃芩佐之

食少加砂仁神麩渴加麥門冬黃芩能食倍加黃楊腦以藥

能瘦胎有痰加半夏黃芩不長

丹溪○臨月用以養胎方

當歸 川芎 黃芩 陳皮

白木 香附各一錢 白芷二分 甘草二分

右細切水煎調益元散一錢服虛者加入參七分

丹溪○催生散

白芷炒焦黑 百草霜 白滑石各等分

右為細末煎芎歸湯調下二三錢

溪丹 ○紅莧菜及馬齒莧俱能墮胎，妊婦切忌。臨產用以催生者，食亦效。

溪冊 ○難產多是氣血虛，亦有氣血凝滯而不能轉運者，亦有因八九箇月內不能謹愆者。

溪冊 ○難產多見於安逸鬱悶之人，富貴奉養之婦，其貧賤者，未之有也。古方瘦胎飲本為湖陽公主設，蓋以其奉養厚而氣實，故為以方以耗其氣，使氣血和平而易產耳。非至論也。

景仲 ○金匱當歸散安胎養血清熱，孕婦時常宜服。

當歸 川芎 芍藥 白朮

條芩 各等分

右為細末，每服二錢，溫酒或湯調服。

方○ 金液丸治橫生倒產。

飛生毛火燒腋下 血餘無病女人髮燒灰

公母羊糞已上各半錢 伏龍肝一錢

黑鉛三錢急用 小銚子火上鎔投水銀

右為細末，用粽子尖為丸，如菘荳大，遇難產以順流水送下五丸，兒身自順而正產，子母俱活矣。

○催生鉛丹治橫生逆產。

黑鉛一錢

右以小銚子大，上鎔化，投入水銀二錢，急攪結成砂子，傾出，用熟絹細作丸子，如菘荳大，臨時以香水送下立產。

○如神丹治難產，用巴豆三枚，草麻子七枚，各去殼，研入射香少許，捏作餅子貼臍。

詩曰：巴三草七脫衣裳，細研如泥入射香。

捏作彈丸臍下貼，須臾子母便分張。

○催生如聖散用黃蜀葵子不拘多少炒  
右為細末每服二錢熱酒調下如不飲酒熱湯調亦可或  
以蜀葵花焙乾熱酒調下一錢亦效  
詩曰黃葵子炒百餘粒  
研爛酒調濟若急  
若還臨危難產時  
免得全家俱哭泣

室產 ○香桂散下死胎

射香 五分

官桂 三分为末

右件和勻作二服溫酒調下須臾即下

○來甦散治孕婦欲產未產之時忽然暈悶不省人事

木香 不見火

神麩 炒

陳皮 去白

麥蘖 炒

黃芪 去芦

生薑 切碎

阿膠珠 燉

白芍 各五分

糯米 半合

苧根 一錢

甘草 三分

右細切作一服水一盞半煎至一盞去粗擗開口灌下未

醒再煎一服連接灌之即甦

○霹靂奪命丹治臨產未產之時目翻口噤面黑唇青口中  
沃沫子母俱殞命在須臾若兩臉微紅子死母活急用此  
藥救之

蛇退 一條

千里馬

路上左足草鞋

金銀鉞

各七片

髮灰 一錢

蚕退紙

燒灰一錢

黑鉛

一錢半用水銀

右共為細末以獾猪心血和丸如梧桐子大每服二丸倒

流水送下如灌不下化開灌之修合以藥時勿令婦人孝

子雞犬見之

○無憂散治分挽難產及胞衣不下等証孕婦臨月預服以  
藥日進二服則子易生而胞易落也

當歸 酒洗

川芎

白芍 各七分

木香 不見火

甘草 各五分

枳壳 炒黃色

乳香 各一錢

血餘灰 四分

右為細末分作二服水一盞煎至八分瀝去粗溫服不拘時候異本無候字

○催生奪命如神丹

牡丹皮	枳壳	蘇枳	赤芍	各二錢	蛇退	二錢
青皮	阿膠珠	甘草	炙	五加皮		
芸薹子	管眾	馬鳴退	炙	各五分		

花蕊石五分乳香一分

右為細末煉蜜丸如彈子大臨產細嚼一丸棗湯送下未產少頃又嚼一丸以產為度

方良

○芎歸湯一名佛手散治妊娘因事跌仆子死腹中惡露妄行疼痛不已口噤欲絕用以藥探之若子死腹中立便逐下若腹痛隨止子母俱安又治臨產難生胞衣不下及產後血暈不省人事狀如中風血崩惡露不止腹中血刺疔痛

血滯浮腫入心經語言顛倒如見鬼神血風相搏身熱頭痛或似癰非癰一切胎前產後危急狼狽垂死等証並皆治之

當歸酒洗去

川芎七錢

右細切分作四服每服用水一盞煎水將乾投酒一盞再煎五七沸溫服如口噤擗開灌之如人行五里許再灌盡以四服便省立產神驗

○奪命丹治胞衣不下蓋兒之初生惡血流入衣中衣為益所

脹塞故不得下須臾冲上逼心即死急服以藥

黑附子炮牡丹皮一兩乾漆炒錢五分研細

右為細末用米醋一升大黃末一兩同煮成膏和煎藥末為丸如梧桐子大每服五七丸溫酒下

○黑龍丹治難產及胞衣不下血迷血暈等証

室產

當歸

五靈脂

川芎

良姜

生地黄

已上各二錢細切入雞子壳內

百草霜

紙筋鹽泥固濟炒入后藥

乳香 各二錢 琥珀

花蕊石

各一錢

右件連前藥共為細末酒米糊為丸如彈子大如用時將一二丸仍用火煨紅為末以童子小便合酒調灌下垂死者灌三四丸即活其功不可盡述

產

○一方治胞衣不下

川牛膝

二錢 當歸 一錢半

木通 三錢

滑石 四錢

黃葵子

二錢半

右用承煎連進三四服立下

方

○枳殼散 妊娠八九箇月內胎氣壅滿常宜服之滑胎易產安和子臟益血舒氣

枳殼

五兩 炒黃色

粉甘草

炙一兩

香附子

炒一兩

右為細末每服二錢空心沸湯點服日進三服一方加糯米炒同為末白湯點服令兒易產初生胎氣微黑百日後肥白以為古方之冠若妊婦稍弱者單衣恐胎寒腹痛胎弱多驚於內加當歸一兩木香半兩不見矢如以用之則陽不致強陰不致弱二氣調和有益胎嗣

○自妊娠初得以至臨月藥石禁忌歌

歌曰 玃班水蛭及蝨虫

烏頭附子與天雄

野葛水銀并巴豆

牛膝薏苡連蜈蚣

二稜代赭荒花射

太戟蛇蛻黃雌雄

牙硝芒硝牡丹桂

槐花牽牛皂角同

半夏南星與通草

瞿麥乾姜蟹甲瓜

硃砂乾漆兼堯仁

地膽茅根莫用好

方局 ○飲食禁忌

雞肉合糯米食令子生寸白虫 ○食犬肉令子無聲 ○鮎  
 鯉同雞子食令子生疥蝨瘡 ○食兔肉令子缺唇 ○食  
 羊肝令子多厄難 ○食鱉肉令子項短縮頭 ○鴨子與桑  
 椹同食令子倒生心寒 ○鮮魚同田雞食令子瘡癩 ○雀  
 肉同豆醬食令子面生雀斑點 ○食螻蛄橫生 ○食姜  
 采令子多指 ○食冰漿令絕產 ○食雀肉飲酒令子多淫  
 無耻 ○食茨菰消胎氣 ○食駝馬肉過月難產 ○豆醬合  
 霍菜食墮胎 ○食山羊肉令子多病 ○食鯁鱈無鱗魚難  
 產 ○食諸般菌生子驚風而夭 ○食雀腦令子患雀目 ○  
 勿妄服湯藥勿妄亂針灸勿過飲酒漿勿舉重登高陟險  
 心有大驚子必顛癩勿多睡卧須時時少步動和血脉勿  
 勞力過傷使腎氣不足子必解顛腦破不各 ○衣母太温

食母太飽若脾胃不和榮衛虛損子必羸瘦多病戒之戒  
 乏

外綴 ○臨產須知

- 一臨月不可洗頭以免橫生逆產
- 一懷娠十月已滿陰陽氣足忽然臍腹陣痛胎孕偏陷腰  
 間重脹穀道挺迸漿水淋下其兒遂生此乃正產若當生  
 自有其時如瓜熟蒂懸栗熟自落之類
- 一凡臨產宜擇年高有識穩婆及純謹婦人三四人扶持  
 一應外來閑雜之人喪服穢濁之婦預宜杜絕勿令觸犯  
 胎氣致產不利產後客氣犯兒亦主傷害
- 一凡臨產房中不得喧鬧宜緊閉門戶靜以待生
- 一歲月滿足方覺腹痛不可驚動太早早則舉家霍亂卜  
 筮問神巫覡之流稱說鬼神多方哄嚇媒利產婦聞之恐

怖夫恐則氣怯氣怯則上焦閉下焦脹氣乃不行以致難產如化以急宜服紫蘇飲以寬其氣

一凡臨月忽然腹痛或作或止或一日二日三五日胎水已來腹痛不正者名曰弄痛非當產也又有二月前忽然腹痛如欲便產却又不產者名曰試月非當產也不問胎水來與不來俱不妨事但當寬心候時若果當產時腰腹痛極不已穀道挺進眼中火出其時便產豈有或痛不痛欲產不產之候耶人多於此胡行亂做枉了性命可不慎歟一凡初覺腹痛而腰不甚痛者未產也且抹行熱忍若行不得則凭物而立行得又行

一世人不識但見腹痛總作便謂生產坐<sub>坐</sub>婆味狂者不候時至便言試水試水併胞漿先破風入產戶以致腫脹門戶狹小乾澀難產

一將產之時產母甚痛不肯舒伸行動固執曲腰眠睡胎元轉動尋到生門已被渡閉又轉又尋再三胎已無方決至難產

一初覺不痛且當任意坐卧勉强飲食母致胎產乏力  
一凡產母初覺欲生便須惜力調養不可妄亂用力兒身方轉便被用力一逼令兒錯路以致橫逆須待臨到產門用力一逼兒即下生以所當用力也譬如登廁時候未至用力何益

一凡產母如覺心中憤悶可取白蜜一匙溫水調服  
一產母如覺飢餓可進以軟白粥不冷飢渴以致乏力亦不可食硬飯糍粽恐產後有傷食之病  
一未產之先或煩渴欲飲水只可與清米飲飲之為佳  
一凡產不可服催生符水况血得寒即凝血一凝則胎滯而

反致難產夫催生符水蓋野道士求食媒利之設有何益哉

一凡產婦胞漿未下但當穩守無妨胞漿既破一二時後不任便當服催生藥要緊夫胞漿者本胞內養兒之水也兒既拆胞其水既下胎隨水而下則為易生胎元無方轉頭遲慢漿下即血來閉塞道路令子無路可通故難產也如用蜀葵子等破血之藥逐去惡血令兒得路而生故曰催生藥也

一凡催生多用滑利迅速之藥如

兔腦

筆頭灰

弩牙

蛇退之類是也

二凡催生若見水血先下子道乾澁不能下者如

猪脂

油

蜜

酒

葱白

葵子

牛乳

榆白皮

滑石之類是也

○三凡催生若稽停勞力之久風冷乘虛入於子宮使氣血凝滯而難產者如

牛膝

葱

桂

五積散

順元散之類是也

○四凡催生有觸犯惡氣心煩燥悶難產者如

射香

硃砂

乳香

青竹茹之類是也

○夫產育之難者皆由產婦不曾預聞講說生育道理臨事倉惶用力失宜遂有難產之危是故有逆產者則先露足有橫生者則先露手坐產者則先露其臀此皆用力太早之過夫當臍腹疼痛之初兒身纒轉而未順用力一逼遂致橫逆若手足先露者用細針刺兒手足心一二分深三四刺之以鹽塗其上輕上送入兒得痛驚轉下縮即順生之矣或見脚先下者謂之踏蓮花生急以鹽塗兒脚底又可急

搔之併以鹽摩母腹上則正生矣

○及法治難產及胞衣不下急於產母右腳小指頭上灸三壯炷如小麥大立產

○凡橫倒難產用蛇蛻一條全者蚕退紙一方張一右以二物入新甕瓶中鹽泥固濟燒存性為末煎榆白皮湯入乳香同調服下則順生

○又方治橫生先露手足

阿膠炒 滑石 一兩 冬葵子 一合 酥油 一兩  
每服四錢水一大盞煎至七分連進二三服

○又方治橫逆不順子死腹中用

伏龍肝炒 灶心紅土也  
右為細末溫酒調下一二錢其兒頭戴土而出甚驗

○礙產

凡兒身已順門戶俱正兒已露頂而不能生或因兒身回轉肚帶攀住兒肩不能下也治法急令產母仰卧輕輕推兒向上徐徐引手以中指按兒肩下其臍帶須候兒身正順產母用力一送兒即下生○又法令穩婆款款分開臍帶外將紙燃

○凡兒身向未順生路未正被產母用力一逼令兒偏生或左腿或右腿或臀或左右額角雖兒身已逼產門而不能下但云兒已露頂非頂也治法當令產母仰卧看生人輕輕推兒近上以手正其頭用力一逼即下若是頭之後骨偏住穀道兒則露額當令看生人以綿衣炙令溫暖燙手急於穀道外傍輕輕推兒頭令正然後用力一送兒即下生

○治盤腸產法

○有臨產則子腸先出甚可驚恐治法以盆盛溫水溫潤其腸

方良

與各偏產

令產母仰臥且以言語安慰其心却用好米醋半盞和新汲水七分攪勻忽喚產母面或背則打頓而收每一喚令一縮三喚三縮腸則盡收夫合用參芪歸芍等大劑補藥加升柴防風之類以升舉之未有不安者也○又法急以草麻子去殼研細貼產母顙頂上即收

○一方治產難數日子死腹中不出母氣欲絕

瞿麥 六兩 通草 三兩 桂心 三兩 牛膝 四兩

榆白皮 四兩 一方無榆白皮有天花粉四兩大能墮胎右細切用水九升煎取三升去粗分三服頓飲即下

○又方牛膝丸下死胎

壯牛膝 三兩 紫金藤 七錢 肉桂 二錢 當歸 四錢

蜀葵根 七錢 射香 五分

右為末米糊為丸如梧桐子大硃砂為衣每服五十九乳

香湯送下

○又方治子死腹中不出

用黃牯牛屎不拘多少塗母腹上立出○一云以牛屎炒令大熟入醋半盞以青布包裹於母臍上上下下熨之立下

○又治子死腹中用雞子黃一箇生薑自然汁下合調勻頓服分免後用芸薹粥補之

○生子下血過多子死腹中增寒手指甲青面色黃黑胎上搶心悶亂欲死冷汗自出喘滿不食或食毒物或誤服草藥傷胎下血不正胎尚未損可安若已死即下極妙

牡丹皮 赤芍 桂心 莖仁

白茯苓

右各等分為細末煉蜜為丸如彈子大每服一丸細嚼淡醋湯送下連服數丸立驗

○一方治胞衣不下

川牛膝 三錢 當歸身尾 二錢 木通 三錢 滑石 四錢

冬葵子 半二錢

右細切水煎連進二三服即下

○丹溪活套

凡婦人胎前諸疾只須以四物湯為主治者証加減調治  
○如覺腹中煩悶口苦厭食不問月數多少本方加白木  
條芩砂仁煎服○如五六箇月後胎動不安或逆搶逼心  
本方加阿膠艾葉砂仁枳殼條芩白木野苧根入金銀同  
煎服○如氣血虛心煩脉虛大無刃或怔忡手戰及時有  
微熱本方加入參白木黃芩甘草酸棗仁遠志麥門冬地  
骨皮等藥○如五六箇月前無故下血或因事下血謂之  
漏胎本方加條芩白木甘草白芷茅根地榆桑寄生之類

○如七八箇月前後面目及四肢浮腫本方加茯苓澤瀉  
白木條芩炒梔子厚朴甘草稍麥門冬之類○如孕中忽  
然口噤吐沫不省人事言語錯亂本方合二陳湯加麥門  
冬竹茹遠志石菖蒲之類○如感冒風寒頭痛發熱或身  
體疼痛本方合小柴胡湯或更加細辛白芷防風羌活等  
藥○如二二箇月內嘔吐惡心不納飲食謂之惡阻本方  
去地黃加陳皮半夏縮砂仁神麴霍香麥芽陳蒼朮白木  
之類○或因事動胎致胎不妄動撞不已及下血欲墮本  
方加入參白木白茯苓條芩白芷桑寄生砂仁阿膠珠耳  
草等藥○或時有白濁白帶本方加白茯苓陳皮蒼朮半  
夏神麴牡蠣龍骨之類○如無故腹痛瀉利清水或發熱  
胎動不安本方加白木茯苓猪苓澤瀉蒼朮柯子皮砂仁  
神麴乾姜之類

○祖傳經驗秘方治難產瀝漿胞乾胎不得下用香油蜂蜜各一碗和勻用銅銚慢火煎一二沸掠去沫調白滑石末一兩重攪勻頓服外以油蜜於母腹臍上下摩之立產

○又方催生曾試甚驗用兔頭骨家猫頭骨各一箇烈火煨地上出火毒研為極細末每服二三錢濃煎芫歸湯調下即產

○又方治胞衣不下三退飲

蛇退二條 蚕退紙一方 蟬退 四十九箇  
用瓷瓶盛燒存性細研順流水調服立下

婦人科下產後

論

內經曰一息不運則機絀窮一毫不續則穹壤判所謂氣血周流循環無端少有不續則身危矣若夫妊娠之婦子在腹中母子一氣流通全賴漿水滋養十月數足血氣完全形神俱備忽如夢覺自能用手折胞求路而出既出胞外母子分躰呼吸殊息其可久羈於內而使氣化不運不續哉夫胎元壯健者胞既拆即隨漿而下故易產也其困弱者轉頭遲緩胞漿既乾活血來塞道路凝滯是以橫生逆產子死腹中而產母之命死在須臾可不畏乎凡見將生之際胞漿既下踰時尚未分娩便當傍惶設計用藥逐去惡血使子路通暢而無難產之患豈可袖手以待斃哉是故催生之藥即芫歸益母草冬葵子之類皆使逐去汚血者也若腰腹未甚痛

漿水少淋瀝而下名為試漿實非胞內真漿也且宜寬心守待切勿可輕易便令穩接取產母用力逼胎太早多致橫逆不順切須謹慎其或先見手足不順者額偏露者但當以手輕輕撥正以待其自下可也若分娩之後胞衣未下者猶為可慎宜多方用藥逐下甚不可令粗率之婦摘取嘗見有擗破尿管致終身之害者有取下肝葉而產母隨時殞命者可不謹與若夫難產之婦皆是產前恣怒所致非獨難產且產後諸疾皆由是而生焉或有作寒乍熱似瘧非瘧或太熱頭疼身痛如傷寒狀或卒中口禁如瘕如癰或左癱右換角弓反張或妄言見鬼心神惶惑或耳自口鼻忽覺黑氣如烟薰之狀或腹中作痛綿綿不絕已上諸症若非惡露未盡即是勞傷血氣大虛之証丹溪曰凡產前當清熱養血為主產後宜大補氣血為要雖有雜証以未治之此萬世不易之確

論也雖然亦有離褥太早或澡浴身垢以致感冒風濕或啖雞子糞難消之物皆能惡寒發熱變証多端醫者宜潛心診察脈候以扶危拯急不可苟且妄治以夭折人之天年也

脈法

脈經曰新產婦人有三病一者病瘕二者病鬱冒三者大便難云師曰亡津液胃燥故大便難產婦鬱冒其脈微弱嘔不能食大便反堅但頭汗出所以然者血虛而厥厥而必冒冒家欲解必大汗出以血虛下厥孤陽上出故但頭汗出所以產婦喜汗出者亡陰血虛陽氣獨盛故當汗出陰陽乃復所以便堅者嘔不能食也小柴胡湯主之病解能食七八日而更發熱者以為胃熱氣實承氣湯主之婦人產後七八日無太陽症小腹堅痛以為惡露不盡四五日

不大便，趺陽脈微實，再倍其人發熱，日晡所煩燥者，譫語，不能食利之，即愈。宜承氣湯以熱在裏，結在膀胱也。

按丹溪曰：產後宜大補血氣為主，雖有雜証，以未治之。又曰：產後不可汗下，叔和以仲景治傷寒法用承氣小柴胡等藥，欲退產後之熱，恐非至到可法之語。姑述於此，以與賢者共議而採擇之可也。

丹溪曰：產前脈細，小產後脈洪，數皆死。又曰：產前脈當洪，數既產而洪數如故，豈得不死？亦太緊言之。今見產後豈無脈洪數而生者？

方法 丹溪方法凡十一條

丹溪曰：產後當大補氣血為主，雖有雜症，以未治之。

○產後補虛用參、木、黃芪、陳皮、歸身、尾、川、芎、芩、炙、甘草、如發熱輕則加茯苓、淡滲之，其熱自除。重則加乾姜，或云太熱而用乾姜，何也？曰：以熱非有餘之邪熱，乃陰虛生內熱耳。蓋乾姜能入肺分利肺氣，又能入肝分引氣藥生血，然必與補陰藥而

用之以造化之妙，非天下之至神，其孰能與於此哉？

○產後發熱惡寒，或口眼喎斜等症，皆是血氣虛甚，當以大補氣血為主。治左手脈不足，補血藥多於補氣藥；右手脈不足，補氣藥多於補血藥。切不可用小續命湯表散之劑。

○產後惡寒發熱腹痛者，當去惡血。若腹不滿者，非惡血也。

○惡露不盡，小腹作痛，名兒枕痛，用五靈脂、香附、為末，醋糊丸。甚者加搗大棗仁，一云用神麩糊丸。白朮、陳皮湯下。氣虛者，四君子湯下。

○治血刺痛用當歸，乃和血之法。若因積血而刺痛者，宜棗仁紅花當歸頭之類，血在下焦，常用歸尾。

○產後血運用韭葉，細切盛於有嘴瓶中，以滾醋泛之，急封瓶口，以瓶嘴納產婦鼻中，即甦。或用秤槌及磚石燒紅，以醋中薰之，亦良法也。

○又方用鹿角一段燒存性，以毒為末，酒調灌下，即醒。

血運因氣血俱虛痰火泛作暈二陳導痰隨氣血加減硃砂安神丸亦可服以麥門冬湯下

○一方治血運

人參一兩

紫蘇五錢

右細切童便酒水三物同煎服

○嚴氏清菟散治產後血運昏不知久

澤蘭葉

人參各一兩 荆芥穗四兩

甘草炙八錢

川芎二兩

右為細末每服二錢溫酒入童便調下更用漆器燒烟薰之頗置醋炭更服此藥

○愈風湯治產後中風口噤牙關緊急手足瘳癱角弓反張

荆芥蕙

當歸各等分焙乾

右為細末每服三錢豈淋酒調下童便亦可○豈淋酒用

大黑豆不拘多少炒焦投好酒中

○新產後不可用芍藥以其酸寒能伐發生之氣也

○產後乳汁不通用通草七分瞿麥柴胡天花粉各一錢桔梗二錢青皮白芷木通赤芍連翹甘草各五分作一貼水煎食後細細飲之更摩乳房或無子食乳者要消乳用麥

藥二兩炒分作四服白湯調下

○產後泄瀉利用陳皮白朮茯苓川芎酒炒芍藥黃芩滑石

炙甘草煎服之効○一方無甘草有乾姜按二物皆不可缺

○凡乳母但覺小水短少即是病生便須服藥調治蓋兒飲

母乳母安兒安防患未然治法之善者也

○有產婦因收生者不謹損破尿管而致淋瀝不禁因思肌肉破尚可完補診其脉虛甚蓋難產因氣血虛故產後猶虛試與峻補以參朮為君芎歸為臣菝仁陳皮黃芪茯苓

為臣以猪羊脬煎湯熟藥汁極飢飲之一月而安蓋氣血驟長其脬即完也心稍遲亦難成功也

方局 ○黑神散治產後惡露不盡或胎衣不下血氣攻冲心腹疼痛及血迷血暈等症

黑豆 炒半升 熟地黄 當歸 酒浸 肉桂 去粗皮

乾姜 炮 甘草 炙 白芍 蒲黃 各四兩

濟生方無蒲黃有附子

右為細末每服二錢童便和酒調服

室產 ○人參當歸散治產後去血過多血虛則陰虛陰虛生內熱

令人煩短氣自汗頭痛

熟地黄 人參 當歸身 肉桂

麥門冬 白芍 炒各一錢

右細切作一服入淡竹葉五片生姜二片水煎服

室產 ○當歸黃芪湯治產後失血過多腰痛身熱自汗

當歸身 三錢 黃芪 二錢 白芍 一錢半炒

右細切作一服水一盞半加生姜三片煎至一盞溫服

○失笑散治產後心腹疼痛欲死及兒枕痛

蒲黃 炒 五靈脂 各等分

右為細末每服二錢熬成膏白湯化下

室產 ○三聖散治兒枕痛

當歸 肉桂 玄胡索 各等分

右為細末每服二錢熱酒或童便調下

○抵聖湯治產後血氣傷於脾胃腹脇滿悶嘔逆惡心

赤芍藥 半夏 澤蘭葉 陳皮

人參 各二錢 甘草 炙一錢

右細切作一服入生姜二片水煎服之

○當歸羊肉湯治產後發熱自汗肢躄疼痛日久不愈名曰褥勞

當歸身 七錢 人參 七錢 黃芪 一兩 生姜 五錢

右細切用羯羊肉一斤煮取清汁五大盞去肉粗入煎藥慢火煮取四盞分六服徐徐飲之

○茯苓散治產後心虛怔忡不定言語錯亂

茯苓 甘草 山藥 當歸 各一錢

遠志 桂心 麥門冬 各五錢

右細切作一服加生姜三片大棗一枚水一盞半煎至二盞去粗溫服

○當歸散治產後氣血俱虛恐增客熱宜服此以去惡露

當歸 川芎 黃芪 各一兩

白木 五錢

右為細末每服二錢童便入溫酒調下

○黃芪湯治產後虛汗不止

黃芪 二錢 防風 熟地黄 各五分

牡蠣粉 煨 白茯苓 麥門冬

右細切作二服加大棗一枚水煎服

○增損四物湯治產後陰虛發熱或日間明了暮發寒熱

當歸 川芎 生地黄 柴胡 各等分

右細切每服五錢水一盞半煎至一盞溫服

○四物一黃散治產後腹中血塊作痛

當歸 川芎 熟地黄 白芍 炒 各五錢

蒲黃 錢半 炒

右為細末每服二錢空心溫酒調下

○產寶黑龍丹治產後一切口疼垂死者但灌藥得下無有不

安者

五靈脂 生地黄 當歸 川芎

高良姜 各二錢

右細切用砂窩一箇盛藥外以赤石脂為細末醋調封縫又以紙筋鹽泥固濟文武火煨過置地上出火毒研細入後藥

硫黃一錢半 花蓋石一錢 乳香一錢 琥珀一錢

右同前藥共為細末醋糊為丸如彈子大每服一九用生姜自然汁無灰酒各一合童便半盞合和將藥於炭火上燒紅投入姜酒內研散頓服立效

產室 ○烏金散治產後血迷血運敗血不止淋瀝不斷臍腹痛

頭自昏眩多汗無力及治崩中下血不止  
麒麟竭 亂髮洗淨 松墨 煨醋淬 百草霜

當歸 去芦 肉桂 去粗皮 赤芍 延胡索

鯉魚鱗 燒存性

右各等分為細末每服二錢溫酒調下  
○調經散治產後虛浮蓋敗血乘虛停積府藏流注肌肉腐壞成水令人面目四肢浮腫切不可用導水泄利之藥是謂重虛其虛多致夭亡以藥主之

沒藥一錢 琥珀一錢 桂心 赤芍藥

當歸各一錢 細辛 射香五分另研

右為細末每服一錢七菱汁溫酒童便和調服之

產室 ○正脛散治產後通身浮腫及治婦人太病後脾氣虛弱中

滿腹脹等病

蓬莪朮 香附子 薑便 茴香 甘草炙

陳皮

良方 ○ 右各等分為細末每服二錢燈草木通湯下  
○ 栝子仁散治產後謔言妄語皆心血虧欠心神不守所致

栝子仁 連心 去心 人參 去聲 桑寄生  
防風 去芦 琥珀 另細研 當歸 熟地黄  
并草 炙

右各等分細切每服五錢先用白羊心一枚而子煮汁二  
盞煎藥至一盞去羊心及粗溫服不拘時

方 ○ 琥珀散治產後瘀血攻心迷悶妄言見鬼

琥珀 各一錢 人參 茯苓  
生地黄 阿膠珠 各七錢 五錢 并草  
射香 各一錢 另研

方 ○ 右為細末和勻每服一錢用金銀煎湯調下  
○ 交感地黃煎丸治產後舌強不語眼見黑花或發狂見鬼

及胞衣不下 心腹脹滿等症  
生地黄 新搗 生薑 各二片 各用石臼杵細以布  
當歸 去芦 延胡索 炒 兩 蒲黃 炒香 兩 琥珀 另研 一兩  
右為細末煉蜜為丸如彈子大每服一丸煎當歸湯化下  
食前服

方 ○ 七珍散治產後不語

人參 石菖蒲 川芎 熟地黄 各一兩  
細辛 一錢 防風 五錢 去芦

方 ○ 調中湯治產後瀉利臍腹痛六脉沉細

高良姜 當歸 桂心 白芍  
附子 炮去皮 川芎 各一錢 甘草 炙五分  
右細切作一服加生薑五片水一盞半煎至一盞溫服

方局 ○定痛散治產後惡血不止腹中作痛

當歸 芍藥 各二錢 肉桂 一錢

右細切作一服酒水合一盞半生姜五片煎至三盞服

○麻仁丸治產後大便秘結

麻仁 去壳 枳殼 人參 大黃 當歸 各八分

右為細末煉蜜為丸如梧桐子大每服二十九丸白湯下未通漸加丸數以便潤為度

方局 ○羊肉湯治產後腹中虛痛氣血不足羸弱力倦及寒月中

生產寒氣入於產門臍下脹滿手不可犯以寒疝也此藥主之 此方乃張仲景之方曾試極驗

精羯羊肉 四兩 當歸 二兩 生姜 一兩 陳皮 二兩

右細切用水三碗酒一盞煎至一碗去粗分二服加葱薑亦可

方局 ○滋腸五仁丸治產後血氣虛損大腸閉澀傳道艱難

杏仁 夫皮火 桃仁 各一兩 栝子仁 五錢 松子仁 二錢半

郁李仁 煨炒 橘紅 研末 右五仁另研為膏合橘皮末和勻再研煉蜜丸如梧桐子

大每服三十丸加至五六十丸食前清米飲下一方加當歸梢五錢

方局 ○固經丸治產後血氣未復而有房事及勞後損傷致血暴

崩或淋瀝不止 沒藥 赤石脂 補骨脂 木賊 各半兩

附子 一隻泡去皮臍

右為細末米糊為丸如梧桐子大每服二十九丸溫酒下或陳米飲下

○熟乾地黄散治症同前亦治婦人一切崩中下血不止頭目

沉重

熟地黄半一錢 甘草一分半 蒲黃炒黑色五分 白茯苓五分

桂心二分半 阿膠一錢炒得鹿角膠尤妙 蟹爪微炒 白芍藥五分

伏龍肝七分 昆布一錢燒存性 當歸一錢

右細切作一服入竹茹一錢用水二盞煎至一盞溫服

拒勝湯治產後腹脹滿悶嘔吐不定蓋敗血入於脾胃而脾

不能運化故胃不能納穀以致嘔吐腹脹等症

赤芍半夏泡七 澤蘭葉人參去芦

陳皮去皮各錢 甘草分

右細切作一服加生姜三片水一盞半煎至一盞溫服

局○八味理中丸治新產血氣俱傷藏府暴虛躄弱多汗一百

日內常服壯氣補虛止嘔吐

人參去芦 甘草兩半 乾姜泡一 白朮二兩

砂仁一兩 白茯苓一兩 麥蘖麩炒 神麩炒各一兩

右為細末米糊為丸如梧桐子大每服三十九食前姜湯

下有痰者宜加半夏麩

○旋覆花湯治產後感冒風寒咳嗽喘急痰涎壅塞坐卧不能

前胡麻黃去節 杏仁炒去皮尖 五味子

茯苓甘草 旋覆花半夏麩

荆芥穗赤芍各半錢

右細切作一服加生姜三片大棗一枚水一盞半煎至一

盞去粗溫服

產○四神散治產後留血不消積聚作塊急切疼痛下利不止

當歸去芦 乾姜泡 川芎赤芍各半錢

右為細末每服三錢溫酒調下

產○當歸養血丸治產後惡血不散發熱腹痛及惡露不盡臍

痛

痛

痛

痛

痛

痛

腹堅脹兼治婦人室女經候不調赤白帶下腹脇疼痛  
當歸去芦 赤芍各四兩 牡丹皮 桂心炒

延胡索炒各二兩  
右為細末煉蜜丸如梧桐子大每服三十丸或酒或米湯任下

○猪腎子飲治產後勞勞寒熱如瘧咳嗽頭疼自汗躄瘦腹中疼痛

猪腰子切作四片 當歸 白芍各一兩

右以當歸白芍二味細切用冰三碗煮至二碗去粗將腰子切碎如骰子狀入前藥汁內用晚粳米一合香豉一兩葱白五七根同煮糜爛空腹食之日進下服

○當歸黃芪飲治產後陰脫謂陰戶宮中脫下也  
當歸 白芍 黃芪 人參各二錢

升麻半錢

右細切作一服冰煎溫服未收再服

○當歸散治婦人陰脫又名血癩

當歸 黃芪 白芍各一兩 蝟皮半兩燒存性

牡蠣煨二兩

右為細末溫酒或米湯調下忌登高舉重

○朮仁膏治產後陰疼煩悶

朮仁 五味子 枯礬

右為末研朮仁膏拌付

○硫黃湯治產後玉閉不飲

硫黃四兩 吳茱萸 兔絲子各一兩半 蛇床子一兩

右細切每服四錢水一碗煎湯頻洗之自飲

○婦人乳汁不通有二種有血氣壅盛乳脉滯而不行者有血

室產

室產

室產

醫門正傳

卷之七

六十一

室產

氣虛弱乳汁絕少者，夫虛者補之，用鍾乳粉、猪蹄、鯽魚之類，盛者行，之用通草、漏芦、土瓜根之類，方見于後。

漏芦 二兩半 蛇退 炙一條 土瓜根 十根 切片炒焦

按土瓜當作王瓜，禮記月令四月王瓜生，即此物也。其實如瓜萎而小，如荔枝色黃，藤蔓葉圓，無缺者是。

右為末，每服二錢酒調下，仍吃熱羹湯助之。

○鍾乳散治婦人氣虛血少，脉澁不行，乳汁絕少。

鍾乳粉 細研

每服二錢，濃煎，漏芦湯調下。

○母猪蹄湯治乳汁不通

母猪蹄 一隻 通草 四兩

用水一斗，煮取四五升，取汁飲之，未下更作一料服之。

方局

室產

○丹溪活套云

新產不可用芍藥，以其酸寒能伐發生之氣，內忌之。只以黃芪四物湯為補虛之要藥，以黃芪易芍藥是也。○如氣虛者，本方加參、朮、茯苓、甘草，發熱者加乾姜。○自汗多者，少用川芎，勿用茯苓，倍蜜炙黃芪。○如口渴，加五味子、麥門冬。○如腹痛者，非芍藥不可，雖新產亦用，但以酒炒不妨。○如惡露不盡，作痛四物湯煎，調香附、五靈脂末服，甚者加菴仁泥四五分。○新產子宮未斂，作痛名兒枕痛，又名痲母塊痛，用醋炒芍藥、粟殼、甘草，水煎入少米醋，或以三物為末，醋湯調服，酸以收之之義也。○產後有惡血不去，發寒熱成癥瘕者，四物湯加三稜、莪朮、乳香、沒藥、香附、五靈脂、乾漆、菴仁、紅監花之類。○產後腹痛不息，宜四物湯加烏藥、香附、桂心、高良姜、陳皮、童便和醋煎服，甚效。○產後月餘經血淋瀝不止，四物

86  
6927

醫學正傳

卷之七

七

加白芷升麻調血餘灰○產後陰痛四物加蒙本防風○產後  
 後通身浮腫四物加乳香沒藥桂心木通木腹皮高良姜血  
 竭檳榔海金沙○產後子腸不收八物湯加升麻防風湏以  
 酒炒黃芪為君○產後中風口眼歪斜八物加附子荆芥少  
 加防風羌活煎服

京本校正醫學正傳卷之七終

